



Broj: 06-23-5848/14  
Sarajevo, 08.04.2014.g.

Na osnovu člana 35. Zakona o dopunskim pravima boraca-branitelja Bosne i Hercegovine („Službene novine Kantona Sarajevo“, broj 45/12-Prečišćen tekst), član 20. Uredbe o načinu i uslovima rješavanja stambenih potreba boraca-branitelja Bosne i Hercegovine («Službene novine Kantona Sarajevo», broj 31/07, 23/09, 10/11 i 33/12) i člana 4. stav 1. Pravilnika za utvrđivanje prava na jednokratnu bespovratnu dodjelu sredstava za rješavanje stambenih potreba („Službene novine Kantona Sarajevo“, br. 36/07,36/08, 18/11 i 42/12), a u skladu sa tačkom 15.b. Javnog oglasa za podnošenje zahtjeva za ostvarivanje određenih prava porodica šehida i poginulih boraca, ratnih vojnih invalida i demobilisanih boraca u Kantonu Sarajevo za 2014.godinu, broj: 06-05-5379/14 objavljenog u „Dnevnom avazu“ dana 04.04.2014.godine, Ministarstvo za boračka pitanja Kantona Sarajevo, o b j a v l j u j e

**JAVNI POZIV**  
**ZA PODNOŠENJE ZAHTJEVA ZA OSTVARIVANJE PRAVA NA JEDNOKRATNU**  
**BESPOVRATNU DODJELU SREDSTAVA ZA RJEŠAVANJE STAMBENIH POTREBA**  
**BORAČKIH POPULACIJA U KANTONU SARAJEVO**

Predmet Javnog poziva je odobravanje jednokratne bespovratne dodjele sredstava za rješavanje stambenih potreba boraca-branitelja Bosne i Hercegovine iz sredstava Ministarstva za boračka pitanja Kantona Sarajevo planiranih Budžetom za 2014.godinu.

Na ovaj Javni poziv zahtjeve mogu podnositi pripadnici boračkih populacija sa područja Kantona Sarajevo koji ispunjavaju uslove propisane Zakonom o dopunskim pravima boraca-branitelja Bosne i Hercegovine („Službene novine Kantona Sarajevo“, broj 45/12-Prečišćen tekst) (u daljnjem tekstu: Zakon) i to: porodice šehida i porodice poginulih, umrlih i nestalih branitelja; branitelji; dobrovoljci i organizatori otpora; veterani; učesnici rata; ratni vojni invalidi; mirnodopski vojni invalidi; dobitnici ratnih priznanja i odlikovanja i članovi porodica poginulih, umrlih i nestalih dobitnika ratnih priznanja i odlikovanja, a u skladu sa Uredbom o načinu i uslovima rješavanja stambenih potreba boraca-branitelja Bosne i Hercegovine («Službene novine Kantona Sarajevo», broj 31/07, 23/09, 10/11 i 33/12) (u daljnjem tekstu : Uredba) i Pravilnika za utvrđivanje prava na jednokratnu bespovratnu dodjelu sredstava za rješavanje stambenih potreba („Službene novine Kantona Sarajevo“, br. 36/07,36/08, 18/11 i 42/12), (u daljnjem tekstu: Pravilnik).

**1. OBLIK OSTVARIVANJA PRAVA**

Pravo na jednokratnu bespovratnu dodjelu sredstava za rješavanje stambenih potreba ostvaruju lica na slijedeći način:

- a) jednokratna bespovratna dodjela sredstava u građevinskom materijalu ili
- b) jednokratna bespovratna dodjela sredstava u vidu izvođenja građevinskih radova i pružanja građevinskih usluga ili
- c) jednokratna bespovratna dodjela sredstava putem udruživanja sredstava za kupovinu stambene jedinice.

Predmjer i predračun iznosa ostvarenog prava za tačke a) i b) utvrđuje stručna komisija za procjenu sanacije i izgradnje individualnih stambenih jedinica i kontrolu ugradnje građevinskog materijala i izvedenih radova u skladu sa Pravilnikom o minimumu stambenih uslova za sanaciju i izgradnju stambenih objekata, („Službeni glasnik BiH“, broj 93/06), a visinu iznosa za tačku c) utvrđuje stručna služba Sektora za boračko-invalidsku zaštitu Ministarstva za boračka pitanja KS.

## 2. KORISNICI PRAVA

Pravo na odobravanje jednokratne bespovratne dodjele sredstava za rješavanje stambenih potreba imaju pripadnici boračke populacije:

a) pod uslovom da su prebivalište, odnosno boravište na području Kantona Sarajevo imali i na dan 06.02.1999.godine i dalje neprekidno;

**Pravo na jednokratnu bespovratnu dodjelu sredstava za rješavanje stambenih potreba ne mogu ostvariti lica koja imaju ili su imala status raseljenog lica, izuzev interno raseljenih lica.**

b) ako već ranije nisu riješili stambeno pitanje ili ostvarili pravo na donaciju putem humanitarnih organizacija ili državnih institucija u dovoljnom iznosu za sanaciju ili izgradnju stambenog objekta po Pravilniku o minimumu stambenih uslova za sanaciju i izgradnju stambenih objekata („Službeni glasnik BiH“, broj 93/06);

c) ako su u propisanom roku ovog Javnog poziva predali potpunu dokumentaciju.

## 3. KRITERIJI ZA BODOVANJE PODNEŠENIH ZAHTJEVA

A - Opći kriteriji:

(1) a) Stambena situacija

- 1) izgradnja stambene jedinice od temelja..... 80 bodova
- 2) sanacija, rekonstrukcija, adaptacija, preuređenje krovišta i potkrovlja u stambeni prostor, pretvaranje zajedničkih prostorija u stambeni prostor ili dogradnja stambene jedinice..... 40 bodova

b) Broj članova porodičnog domaćinstva - za svakog člana porodičnog domaćinstva, podnosioca zahtjeva po.....10 bodova

c) Učešće u Oružanim snagama RBiH

- 1) učešće od 18. 09. 1991. - 05. 04. 1992. za jedan mjesec..... 8 bodova
- 2) učešće od 06. 04. 1992. - 15. 04. 1992. .... 6 bodova
- 3) učešće od 16. 04. 1992. - 20.06.1992. za jedan mjesec..... 5 bodova
- 4) učešće od 20. 06. 1992. - 23.12. 1995. za jedan mjesec..... 3 boda

Bodovi za učešće u O.S. pripadaju podnosiocu zahtjeva za svaki naznačeni period i međusobno se zbrajaju.

d) Nosioci najviših ratnih priznanja ..... 40 bodova

e) Starješine ARBiH – komandna mjesta

- 1) general ..... 40 bodova
- 2) brigadir ..... 35 bodova
- 3) pukovnik ..... 30 bodova
- 4) major..... 25 bodova
- 5) kapetan ..... 20 bodova
- 6) nadporučnik ..... 15 bodova
- 7) poručnik ..... 10 bodova
- 8) podoficiri..... 5 bodova

f) Hronološki red podnijetih zahtjeva – za svaku godinu čekanja..... 40 bodova

(2) Ukupan broj bodova ostvaren po svakoj tački ovog člana međusobno se zbraja.

(3) Za ratne vojne invalide koji su otpušteni iz OS RBiH po osnovu vojne nesposobnosti koja je posljedica ranjavanja ili povređivanja i šehide - poginule borce, učešće u OS RBiH boduje se za čitav period od momenta stupanja u OS RBiH pa sve do završetka oružane agresije na Bosnu i Hercegovinu (23.12.1995.godine).

#### B - Posebni kriteriji:

- (1) a) Broj poginulih boraca-šehida članova porodičnog domaćinstva
- 1) šehidska porodica - porodica poginulog borca sa dva i više poginulih i roditelji koji su izgubili jedino dijete..... 50 bodova
  - 2) šehidska porodica - porodica poginulog borca sa jednim poginulim sa troje i više malodobne djece ..... 45 bodova
  - 3) šehidska porodica - porodica poginulog borca sa jednim poginulim i dvoje malodobne djece ..... 40 bodova
  - 4) šehidska porodica - porodica poginulog borca sa jednim poginulim i jednim malodobnim djetetom..... 30 bodova
  - 5) šehidska porodica bez djece ..... 25 bodova
  - 6) roditelji šehida sa jednim poginulim..... 20 bodova
- b) Procenat oštećenja organizma
- 1) RVI sa procentom tjelesnog oštećenja 100% I i II grupe ..... 50 bodova
  - 2) RVI sa procentom tjelesnog oštećenja 90% III grupe..... 45 bodova
  - 3) RVI sa procentom tjelesnog oštećenja 80% IV grupe ..... 40 bodova
  - 4) RVI sa procentom tjelesnog oštećenja 70% V grupe..... 35 bodova
  - 5) RVI sa procentom tjelesnog oštećenja 60% VI grupe ..... 30 bodova
  - 6) RVI sa procentom tjelesnog oštećenja 50% VII grupe ..... 25 bodova
  - 7) RVI sa procentom tjelesnog oštećenja 40% VIII grupe..... 20 bodova
  - 8) RVI sa procentom tjelesnog oštećenja 30% IX grupe ..... 15 bodova
  - 9) RVI sa procentom tjelesnog oštećenja 20% X grupe..... 10 bodova
- c) Borci – branitelji BiH ..... 8 bodova

(2) Podnosiocu zahtjeva pripadaju bodovi samo po osnovu jedne tačke ovoga člana, koja je za njega povoljnija.

#### C - Dopunski kriteriji:

- (1) a) Teška bolest podnosioca zahtjeva ili člana porodičnog domaćinstva  
Pod teškim bolestima u smislu ove uredbe smatraju se:
- 1) akutna tuberkuloza;
  - 2) maligna oboljenja;
  - 3) endemska nefropatija;
  - 4) stanje poslije hirurškog zahvata srca;
  - 5) sva degenerativna oboljenja centralnog nervnog sistema;
  - 6) infarkt (srčani, moždani);
  - 7) oboljenje mišićnog sistema i paralize.
- Sve ove bolesti boduju se pojedinačno sa..... 5 bodova
- b) Maloljetni pripadnici OS RBiH  
Licima koja su se uključila u OS RBiH u životnoj dobi kada nisu bili vojni obveznici ..... 20 bodova
- c) Borački status člana porodičnog domaćinstva  
Dodatni borački status za svakog člana porodičnog domaćinstva..... 20 bodova

- d) Materijalna situacija porodičnog domaćinstva podnosioca zahtjeva
- 1) porodice korisnici socijalne pomoći i porodice bez ikakvih primanja ..... 20 bodova
  - 2) porodice sa primanjima do 12% prosječne netto plaće ostvarene u Kantonu u prethodnoj kalendarskoj godini (u daljem tekstu: prosječna plaća) po članu..... 15 bodova
  - 3) porodice sa primanjima od 13% do 17% prosječne plaće po članu..... 10 bodova
  - 4) porodice sa primanjima od 18% do 25% prosječne plaće po članu..... 5 bodova
- e) Status stanovanja
- 1) stanuje u alternativnom smještaju koji je dužan napustiti ..... 40 bodova
  - 2) stanuje kao podstanar ..... 30 bodova
  - 3) stanuje u vlastitoj neuslovnoj stambenoj jedinici ..... 20 bodova
  - 4) stanuje kod roditelja ..... 10 bodova

(2) Pod primanjima porodičnog domaćinstva podrazumjevaju se ukupna novčana primanja uključujući i primanja po osnovu socijalne i boračko – invalidske zaštite.

(3) Prilikom ostvarivanja prava na dodjelu sredstava putem udruživanja sredstava za kupovinu stambene jedinice vrši se po kriterijima A, B i C , osim po tački (1) a) stava A – opći kriteriji.

(4) Ukupan broj bodova ostvaren po svakoj tački ovog člana međusobno se zbraja.

#### **4. POTREBNA DOKUMENTACIJA**

##### **a) Osnovna dokumentacija koju prilaže podnosilac zahtjeva**

1. dokaz o pripadnosti boračkoj populaciji po odredbama člana 1.i 2. Zakona o dopunskim pravima boraca-branitelja Bosne i Hercegovine  
(Za porodice šehida i porodice poginulog borca, umrlog, nestalog branitelja-reviziono rješenje o priznavanju prava na porodičnu invalidninu; za branitelja, dobrovoljca i organizatora otpora, veterana, učesnika rata - Uvjerenje od općinskog odjeljenja sektora za vojne evidencije Federalnog ministarstva za boračka pitanja sa upisanim razlogom o demobilizaciji; za ratnog vojnog invalida, mirnodopskog vojnog invalida - reviziono rješenje o priznavanju prava na ličnu invalidninu; za dobitnika ratnih priznanja i odlikovanja i člana porodica poginulih, umrlih i nestalih dobitnika ratnog priznanja i odlikovanja-rješenje o ostvarivanju novčane naknade za dobitnike ratnih priznanja – općinski BIZ);
2. naredba o činovanju;
3. uvjerenje o državljanstvu ili fotokopija Cipsove lične karte za podnosioca zahtjeva;
4. rodni list za podnosioca zahtjeva i za sve članove porodičnog domaćinstva;
5. kućna lista;
6. uvjerenje o kretanju za podnosioca zahtjeva izdato od PU (policajska uprava gdje podnosilac zahtjeva ima prebivalište, odnosno boravište) koje mora obuhvatiti period od 01.01.1991.godine do dana izdavanja uvjerenja;
7. dokaz o ukupnim primanjima domaćinstva podnosioca zahtjeva i punoljetnih članova porodičnog domaćinstva (potvrda o primanjima od poslodavca, ček od penzije iz radnog odnosa, odnosno primanja po osnovu lične i porodične invalidnine, ličnog i porodičnog materijalnog obezbjeđenja i dr.);
8. izjava ovjerena od općinske službe za ovjeru da su podnosilac zahtjeva i članovi domaćinstva evidentirani kod Službe za zapošljavanje Kantona Sarajevo;
9. izjava ovjerena od općinske službe za ovjeru o statusu stanovanja podnosioca zahtjeva:
  - a) stanuje u alternativnom smještaju koji je dužan napustiti,
  - b) stanuje kao podstanar,
  - c) stanuje u vlastitoj neuslovnoj stambenoj jedinici,
  - d) stanuje kod roditelja.

10. a) kada je u pitanju izgradnja stambene jedinice i kupovina nove stambene jedinice:  
Izjava ovjerena od općinske službe za ovjeru da podnosilac zahtjeva kao i njegovi članovi porodičnog domaćinstva nisu vlasnici ili posjednici bilo koje stambene jedinice u Kantonu Sarajevo i na ostalim područjima Bosne i Hercegovine niti su podnijeli zahtjev za upis vlasništva na bilo kojoj stambenoj jedinici u Kantonu Sarajevo i na ostalim područjima Bosne i Hercegovine,
- b) kada je u pitanju sanacija, rekonstrukcija, adaptacija, preuređenje krovišta i potkrovlja u stambeni prostor, pretvaranje zajedničkih prostorija u stambeni prostor ili dogradnja stambene jedinice:  
Izjava ovjerena od općinske službe za ovjeru da podnosilac zahtjeva kao i njegovi članovi porodičnog domaćinstva nemaju drugu stambenu jedinicu u vlasništvu ili posjedu niti su podnijeli zahtjev za upis vlasništva na bilo kojoj stambenoj jedinici u Kantonu Sarajevo te na ostalim područjima Bosne i Hercegovine izuzev one koja je predmet ostvarivanja ovog prava.
11. izjava podnosioca zahtjeva da nije dobio donaciju od bilo koga i u bilo kojem iznosu, odnosno izjava za ona lica koja su dobila donaciju tačan iznos odobrene donacije te navesti instituciju od koje je dobio donaciju (izjava od strane podnosioca zahtjeva ovjerena od općinske službe za ovjeru);
12. izjava da nije, niti je bio u statusu raseljenog lica (izjava od strane podnosioca zahtjeva ovjerena od općinske službe za ovjeru).

b) Dodatna dokumentacija koju po potrebi dostavlja podnosilac zahtjeva

1. dokaz o dodatnom boračkom statusu jednog ili više članova porodičnog domaćinstva (Uvjerenje od općinskog odjeljenja sektora za vojne evidencije Federalnog ministarstva za boračka pitanja sa upisanim razlogom o demobilizaciji);
2. ljekarski nalaz o teškoj bolesti podnosioca zahtjeva ili člana porodičnog domaćinstva.

c) Dodatna dokumentacija za sve oblike ostvarivanja ovoga prava koju dostavlja podnosilac zahtjeva pored osnovne dokumentacije

a) *Jednokratna bespovratna dodjela sredstava u građevinskom materijalu*

- Ukoliko stambena jedinica nije evidentirana u katastru općina, grunтовnici ili KPU Suda potrebno je dostaviti građevinsku dozvolu- rješenje o legalizaciji objekta-naknadnu urbanističku saglasnost za legalizaciji objekta.

b) *Jednokratna bespovratna dodjela sredstava u vidu izvođenja građevinskih radova i pružanja građevinskih usluga*

- Ukoliko stambena jedinica nije evidentirana u katastru općina, grunтовnici ili KPU Suda potrebno je dostaviti građevinsku dozvolu- rješenje o legalizaciji objekta-naknadnu urbanističku saglasnost za legalizaciji objekta.

- Ukoliko je podnosilac zahtjeva korisnik stalne socijalne pomoći – Rješenje nadležnog Centra za socijalni rad.

Pravo na ovaj vid pomoći imaju slijedeće boračke kategorije:

- djeca bez oba roditelja, roditelji šehida koji su stari, bolesni i iznemogli, naročito roditelji šehida nosilaca najviših ratnih priznanja;
- šehidske porodice koje nemaju mogućnost da same ugrade građevinski materijal;
- ratni vojni invalidi sa visokim stepenom invalidnosti (RVI I, II i III grupe invalidnosti)
- teško oboljeli branitelji od oboljenja definisanih u članu 13. stav (1) tačka a) ovog pravilnika, koji su korisnici socijalne pomoći ili koji u okviru porodičnog domaćinstva neostvaruju nikakva primanja.

c) *Jednokratna bespovratna dodjela sredstava putem udruživanja sredstava za kupovinu stambene jedinice*

- Ugovor ili predugovor o kupoprodaji stambene jedinice na ime lica koje traži odobravanje jednokratne bespovratne dodjele sredstava putem udruživanja sredstava za kupovinu stambene jedinice

sklopljen sa fizičkim ili pravnim licem u periodu 2013/2014. godine, ovjeren od notara ukoliko isti posjeduju ili

Izjava ovjerenjena od strane notara ili općinske službe za ovjeru da podnosilac zahtjeva ima namjeru kupovine stambene jedinice radi rješavanja stambenog pitanja, te da ukoliko istu dobije prije realizacije navedenog, sklopiće ugovor o kupovini stambene jedinice i pomenuti ugovor ovjeriti kod notara;

d) Dokumentacija koju će Ministarstvo obezbjediti službenim putem

1. dokaz nadležnog organa da podnosilac zahtjeva kao i njegovi članovi porodičnog domaćinstva sa kućne liste jesu-nisu podnijeli zahtjev za legalizaciju stambenog objekta (nadležna općinska služba za urbanizam sa svih općina Kantona Sarajevo-9 općina);
2. dokaz da podnosilac zahtjeva nije vlasnik niti suvlasnik uslovne stambene jedinice na području Kantona Sarajevo, kao ni njegovi članovi porodičnog domaćinstva sa kućne liste (uvjerenje Zemljišno-knjižnog ureda-grunt i KPU sa suda);
3. dokaz iz katastra da podnosilac zahtjeva kao i svi članovi porodičnog domaćinstva sa kućne liste imaju, odnosno nemaju imovine evidentirane u katastru (nadležna općinska služba za katastar sa svih općina Kantona Sarajevo-9 općina);
4. potvrda Kantonalnog stambenog fonda za sve članove domaćinstva sa kućne liste da li su evidentirani kao nosioci stanarskog prava (korisnici) na nekom od stanova u Kantonu Sarajevo;
5. potvrda Službe za zajedničke poslove organa i tijela Federacije BiH za sve članove domaćinstva sa kućne liste da li su evidentirani kao nosioci stanarskog prava (korisnici) na nekom od vojnih stanova u Kantonu Sarajevo;
6. potvrda ili uvjerenje od Ministarstva za rad, socijalnu politiku, raseljena lica i izbjeglice KS za lica koja su prijavila prebivalište-boravište u Kantonu Sarajevo od 30.04.1991.godine do 06.02.1999.godine da jeste ili nije bio registrovan ni reregistrovan kao raseljeno lice.
7. dokaz od Službe za zapošljavanje Kantona Sarajevo ukoliko je podnosilac zahtjeva nezaposlen i za nezaposlene članove domaćinstva, te ostale provjere po potrebi.

Naprijed navedeni dokazi od 1. do 5. prikupljaju se i za poginulog, nestalog i umrlog branitelja.

Ukoliko Ministarstvo pri provjerama koje čini po službenoj dužnosti ustanovi da je podnosilac zahtjeva dao netačne podatke, zahtjev istog će biti odbijen za tu godinu, bez prava na dodatni broj bodova po osnovu hronološkog reda rješavanja u narednoj godini.

## **5. LICA KOJA NE MOGU OSTVARITI PRAVO**

1. Pripadnici boračkih populacija koji nisu imali prebivalište – boravište na području Kantona Sarajevo i na dan 06.02.1999.godine i dalje neprekidno, te pripadnici boračkih populacija koja su imali ili imaju status raseljenog lica izuzev interno raseljenih lica ;
2. Pripadnici boračkih populacija koji nisu proveli neprekidno jednu godinu u Oružanim snagama RBiH u periodu od 20.6.1992.g. do 23.12.1995.godine ;
3. Pripadnici boračkih populacija koji su proveli više od jedne godine u Oružanim snagama RBiH, a iste su samovoljno napustili, odnosno postoje razlozi navedeni u članu 36. Zakona o pravima branilaca i članovima njihovih porodica („Sl. novine FBiH“ broj. 33/04, 52/5, 70/07 i 9/10);
4. Pripadnici boračkih populacija kao i članovi njihovog porodičnog domaćinstva ako su već ranije riješili stambeno pitanje ili ranije ostvarili pravo na donaciju putem ovog ministarstva, humanitarnih organizacija ili državnih institucija u dovoljnom iznosu za sanaciju ili izgradnju stambenog objekta po Pravilniku o minimumu stambenih uslova za sanaciju i izgradnju stambenih objekata kako slijedi:  
- Minimalan sadržaj uslovne stambene jedinice baziran je na veličini domaćinstva sa dva, tri i četiri člana i određuje se kao *osnovni sadržaj* i treba da sadrži: dnevni boravak, kuhinju, spavaću sobu, kupatilo sa WC-om i hodnik, sa površinama kako slijedi: dnevni boravak 15-18m<sup>2</sup>; kuhinja 4,5-6m<sup>2</sup>; spavaća soba 11-14m<sup>2</sup>; kupatilo 3,3 – 4,4m<sup>2</sup>.

- Minimalan sadržaj uslovne stambene jedinice prema *osnovnom sadržaju* iz prethodnog stava i broju članova domaćinstva, određuje se na slijedeći način:

a) za jednog člana domaćinstva, dnevni boravak, kuhinja, ½ sobe, kupatilo sa wc-om;

b) za pet i više članova domaćinstva, *osnovni sadržaj* stambene jedinice se povećava za ½ sobe po članu domaćinstva;

Napomena: Izuzetno ako stambena jedinica ispunjava kriterije uslovnosti iz prethodnih stavova pomoć se može dodijeliti po procjeni stručne komisije ukoliko je oštećen krov ili ukoliko treba zatvoriti nužne otvore na dijelu stambene jedinice.

5. Pripadnici boračke populacije kao i članovi njihovog porodičnog domaćinstva ako su već ranije podnosili zahtjev za rješavanje stambenog pitanja i isti odbijeni iz razloga uslovnosti stambenog objekta cijenjenog od Komisije za procjenu oštećenja individualnih stambenih jedinica a u skladu sa Pravilnika o minimumu stambenih uslova za sanaciju i izgradnju stambenih objekata („Službeni glasnik BiH“, broj 93/06);

6. Pripadnici boračke populacije koji su podnijeli zahtjeve sa nepotpunom dokumentacijom ;

7. Pripadnici boračke populacije koji nisu podnijeli zahtjeve u propisanom roku ovog Javnog poziva ;

8. Podnosioci zahtjeva za koje Ministarstvo za boračka pitanja Kantona Sarajevo provjerom ustanovi da su dali netačne podatke.

9. Podnosioci zahtjeva kojima su dodijeljene novčane pozajmice za otvaranje radnih mjesta a nisu uredno izvršili povrat dodijeljenih sredstava ili ne izvršavaju redovno plaćanje obaveza vraćanja dodijeljenih sredstava

#### NAPOMENE:

1) Podnosioci zahtjeva koji su u 2013. godini imali potpunu dokumentaciju u roku ovog Javnog poziva podnose uz aplikaciju:

- Izjavu da ostaju pri svom ranijem zahtjevu iz 2013. godine, te da se stambena situacija u međuvremenu nije promjenila;

- Dokumentaciju koja se traži ovim pozivom, a došlo je do promjene u 2013. godine, i to:

4.a) 3. i 6. ako je došlo do promjene;

2) Podnosioci zahtjeva koji su u 2013. godini odbijeni zbog nepotpune dokumentacije ili zakašnjele prijave u roku ovog Javnog poziva podnose uz aplikaciju:

- Izjavu da ostaju pri svom ranijem zahtjevu iz 2013. godine, te da se stambena situacija u međuvremenu nije promjenila;

- Dokumentaciju koja se traži ovim pozivom, a nije dostavljena u pozivu iz 2013. godine, i to:

4.a) 3. i 6. ako je došlo do promjene;

4.b) 1. i 2. ako ima,

Te ostalu nedostajuću dokumentaciju ako nije predata po tačkama 4.a) 1. - 11., i 4.c) od a do c.

3) PODNOSIOCI ZAHTJEVA KOJI SU 2013.GODINE ODBIJENI ZBOG NETAČNO DATIH PODATAKA PODNOSE KOMPLETNU DOKUMENTACIJU KAO DA PRVI PUT PODNOSE ZAHTJEV.

## **6. ROKOVI PODNOŠENJA ZAHTJEVA**

Prijem zahtjeva Ministarstvo za boračka pitanja Kantona Sarajevo će vršiti od dana objavljivanja Javnog poziva zaključno sa 30.04.2014. godine.

## **7. MJESTO PODNOŠENJA ZAHTJEVA**

Za priznavanje i ostvarivanje navedenih oblika prava, zahtjevi na posebno propisanim obrascima za svaki oblik ostvarivanja prava (šalter sala Kantona Sarajevo) sa potrebnom dokumentacijom podnose se na slijedeću adresu: Ministarstvo za boračka pitanja Kantona Sarajevo, ulica Reisa Dž. Čauševića br.1, 71000 Sarajevo putem pošte ili ličnim podnošenjem u šalter sali Kantona Sarajevo.

Informacije vezano za predmet Javnog poziva, te provjeru kompletnosti dokumentacije prije predaje Ministarstvu za boračka pitanja Kantona Sarajevo, mogu se dobiti u Sektoru ministarstva

telefon dir. 033/562-009 i na info-punktu Ministarstva za boračka pitanja Kantona Sarajevo (šalter sala Kantona Sarajevo) telefon: dir. 033/562-273 ili Centrala 033/562-000 lokal 2273, kao i u sjedištima boračkih udruženja Kantona Sarajevo.

## **8. OBRADA ZAHTJEVA**

Nakon završene obrade zahtjeva i formiranja bodovne liste lica koja su u skladu sa ovim Javnim pozivom, zakonom i pravilnikom ostvarili neka od naznačenih prava, Ministarstvo za boračka pitanja Kantona Sarajevo objaviće Obavještenje u sredstvima javnog informisanja, na oglasnoj ploči Kantona Sarajevo, da će rezultati biti objavljeni na internet stranici Ministarstva za boračka pitanja Kantona Sarajevo <http://mbp.ks.gov.ba>, sjedištima BiZ-ova svih općina i boračkih udruženja Kantona Sarajevo.

### **NAPOMENA:**

- Obavezno predavati fotokopije dokumenata koje moraju biti ovjerene ili original dokumenta.
- Predata dokumentacija svih aplikanata neće se vraćati podnosiocima zahtjeva.



web: <http://mbp.ks.gov.ba>  
e-mail: [mbp@mbp.ks.gov.ba](mailto:mbp@mbp.ks.gov.ba)  
Tel: + 387 (0) 33 562-012, Fax: + 387 (0) 33 562-251  
Sarajevo, Reisa Džemaludina Čauševića 1

